

मार्निंग डोगरी न्यूज बुलेटिन, समें. 09.20 Hrs

<><><><><><>

### Headlines

1. मुखमंत्री ओमर अब्दुल्ला होरें 20में दिल्ली हॉफ मैराथन च शिरकत कीती ते लोकें गी इकजुट रौहने ते खरी सेहत बनाई रखने दा स्नेहा दिता।
2. उपमुखमंत्री सुरिंदर चौधरी होरें आखेआ ऐ जे जम्मू-कश्मीर दा राज्य दा दर्जा बहाल करने दी इक्कली मेद सर्वोच्च अदालत गै ऐ।
3. मंत्री जावेद राणा होरें जम्मू-कश्मीर च रूख बूहटे लाने ते जंगलें दे टिकाउ प्रबंधन दी जरूरतें पर जोर दिता ऐ।
4. मुख सचिव होरें जम्मू-कश्मीर च दस्तकारिएं सरबन्धी खेतर गी बढ़ावा देने मतल्लक हीलें दा जायजा लैता। उ'नें जम्मू-कश्मीर दे दस्तकारी उत्पादें गी आलमी सतह तोहड़ी पुजाने लेई आखेआ ऐ।
5. जम्मू च ई-रिक्षें गी रंगें आहले बक्ख-बक्ख ज़ोनें स्हाबै चलाया जाहग। एहदे'नै ट्रैफिक बवस्था गी चुस्त-दुरुस्त बनाने च मदाद मिलग।  
हून खबरें दी तफसील कन्नै जगमोहन शर्मा।

-----  
<><><><><><>

### CM Half Marathon

मुख्यमंत्री उमर अब्दुल्ला हों दिल्ली हॉफ मैराथन दे 20में संस्करण च जहारां बद्दे होरनें लोकें दिल्ली दिएं शिड़के पर आयोजित इस ट्रौड च अज्ज बड्डलै हिस्सा लैता। जवाहरलाल नेहरू स्टेडियम थमां शुरू होई दी इस मैराथन च 40 जहार 500 शा मते धावक शामिल होए। 2 लख 60 जहार अमरीकी डालरें दे ईनाम पूल दे कन्नै दुनिया भरै दे शीर्ष खडारी बी इस ट्रौड च शामिल होए, पर फही बी उमर अब्दुल्ला हुंदी उत्साहपूर्ण शमूलियत नै दर्शकें दा ध्यान आकर्षित कीता।

<><><><><><>

### Dy-CM Statehood

उपमुख्यमंत्री सुरिंद्र चौधरी हों मेद प्रगट कीती ऐ जे सुप्रीम कोर्ट जम्मू-कश्मीर गी परतियै एहदा राज्य दा दर्जा देने दे हक्कें च फैसला लेइयै न्यास गी जींदा रक्खग। कल जम्मू दे भगवती नगर च हाड़ें सवां प्रभावित इलाकें च होए दे नुकसान दा जायजा लेंदे होई उनें मीडिया दे इक सोआल दा परता दिंदे होई आखेआ जे लोकें गी सुप्रीम कोर्ट पर पूरा भरोसा ऐ ते उनें इस फैसले थमां मेद दी किरण दी हीखी लाई दी ऐ। उनें अदालतें अगगे गुजारश कीती ऐ जे ओह लोकें दे दिलै दी धड़कन दी बाज सुनै, नां कि सियासतदानें दी ते इस मामले च दखल देयै। उनें आखेआ जे एह फैसला जम्मू-कश्मीर च असेंबली चुनांस करोआना यकीनी बनाने लेई पैहले गै लेई लैता जाना लोड़चदा हा।

<><><><><><>

### Rana Forest

जंगलात ते पर्यावरण मंत्री जावेद अहमद राणा होरें जम्मू-कश्मीर च मते शा मते रूख-बूहटे लाने ते इत्थे उजड़ी चुके दे जंगलें गी परतियै हरा-भरा करने दी जरूरतें पर जोर दिता ऐ। इक जायका बैठक दी अध्यक्षता करदे होई मंत्री होरें रूख-बूहटे लाने दी इक व्यापक योजना बनाने, बूहटे लाने दे बाद उंदी दिक्खभाल करने ते मते शा मते लोकें गी इस मुहिम कन्नै जोड़ने दी अपील कीती तां जे आम जनता गी बी जलवायु परिवर्तन दी चुनौती कन्नै निब्बड़ने दे जतनें च सक्रियता कन्नै शामिल कीता जाई सकै। राणा होरें विकास परियोजनाएं लेई जंगलात थमां मंजूरी देने गी बी बवस्थित करने पर जोर दिता ते एहदे च ऐसी बवस्था करने दी लोड़ दस्सी जेदे नै पर्यावरण दे हितें कन्नै कोई समझौता नेही कीता जा। उनें मिट्टी दे संरक्षण, पर्यावरण दे अनुकूल सैलसफा गी बढ़जवा देने ते जंगलात अधिकार कन्नू दी असरदार ढंगै सिर अमल आवरी यकीनी बनाने पर बी जोर दिता।

<><><><><><>

## Kathua-GST

कठुआ दे अतिरिक्त जिला विकास कमिशनर होरें मुकामी बपारिं दी इक बैठक दी अध्यक्षता कीती तां जे जीएसटी दिं घटाई गेदिं दरें गी असरदार ढंगै सिर लागू करना यकीनी बनाना जाई सकै। बैठका च मुख तौरा पर ध्यान बपारिं कारोबारिं च नमिं टैक्स दरें दे बारे च जागरूकता बदाने ते नमिं दरें गी तुरत प्रभाव कन्नै लागू करने पर जोर दिता गेआ तां जे उपभोक्तां गी फैयदा पुज्जै ते मकामी अर्थ बवस्था गी मजबूती थोए। ए.डी.डी.सी होरें आम लोकें पर महंगाई दे भार गी घट्ट करने दे सरकार दे धेड़ये दा हवाला दिंदे होई बपारिं गी आखेआ जे ग्राहकें कन्नै कुसै बी चाल्ली दी गड़बड़ी जा चलाकी करने दी कोश्ट नेही करन।

मीटिंगें च अनियमितताएं पर रोक लाने लेई वकायदगी कन्नै तक्क रखने ते टैक्स अधिकारिणं कन्नै नेइमा तालमेल बनाई रखने पर बी जोर दिता।

<><><><><><>

## Poshan-Mah

महिला ते बाल विकास मैहकमे आसेआ चलाए जा'रदे पोषण माह तैहत जिनें प्रमुख विषे बारै लोके गी जागरूक करने पर चेचा ध्यान दिता जा'रदा ऐ, उन्दे च खानपीन च खंड ते तेल दे इस्तेमाल गी घट्ट करना बी शामिल ऐ। रामबन जिले च बी इस सिलसिले च जारी गतिविधिणं च इस विषय गी प्रमुखता कन्नै लैता जा'रदा ऐ। जिले च आंगनवाड़ी केंद्रें आसेआ इस बारै विशेष कैंप लोआए जा'रदे न तां जे तंदरूस्ती गी लेइयै जागरूक ते फिक्रमंद समाज तैयार कीता जाई सकै। इस अभियान तैहत महिलाएं, बच्चें ते किशोर अवस्था दिणं बच्चिणं दी सेहत बकखी चेचा ध्यान दिता जा'रदा ऐ। आंगनवाड़ी वर्कर बी इस अभियान कन्नै मते खुश ते उत्साहित न।

<><><><><><>

## CS-Handicrafts

मुख्य सचिव अटल डुल्लू होरें जंदे रोज जम्मू-कश्मीर च दस्तकारी ते हथखड्डी सैक्टर दी तरक्की ते विकास बारै चर्चा करने आस्तै इक उच्ची सतह दी बैठक दी अध्यक्षता कीती। उनें भुगौलिक संकेतक (जी.आई) टैग कीते गेदे उत्पादें दा पता लाने दी क्षमता च सुधार करने, एकता मॉल जनेइणं महत्वपूर्ण परियोजनाएं गी तेजिया कन्नै पूरा करने ते कारीगरें लेई समर्थन आहले कार्यक्रमें गी मजबूत करने पर जोर दिता। अधिकारिणं दस्सेआ जे कारखानदार योजना दे

राएं जी.आई सर्टिफिकेशन गी घट्ट समें च हासल करना, जांच करने दी समर्थ च सुधार करने, डिजाइन दे नमें नमूने ते कारीगरें दी सिखलाई समेत महत्वपूर्ण प्रगति दर्ज कीती गई ऐ। एहदे अलावा जम्मू-कश्मीर दी रिवायती दस्तकारी गी वैश्विक स्तर पर पंछान ते बजार दे मौके बधाने लेई ब्रांडिंग पहलकदमी, क्राफ्ट सफारी ते बेहतर पुज्ज आहले कार्यक्रम शुरू कीते जा'रदे न।

<><><><><><>

### E-Vehicles

जम्मू च प्रशासन नै कल ई रिक्शें आस्तै जिले दे तैयशुदा जोनें च आओजाई गी नियमित करने ते सड़क सुरक्षा गी यकीनी बनाने ते ट्रैफिक नियमन गितै हुक्म जारी कीते न। जम्मू दे डिप्टी कमिशनर राकेश मिन्हास होरें इस बारै हुक्म, जिला सड़क ट्रैफिक प्राधिकरण दी मीटिंग दी अध्यक्षता करने दे बाद जारी कीता ऐ। डी.सी होरें घोशणा कीती जे नमीं बवस्था 23 अक्टूबर थमां लागू होई जाहग ते शुरू च एह त्र'ऊं म्हीने लेई होग।

<><><><><><>

### Gulmarg-Biking

जम्मू-कश्मीर सैलसफा विभाग आसेया जबरवन लेजेंड माउन्टेन बाइकिंग दे सहयोग कन्नै अंतर राष्ट्रीय स्तर दे इक साहसिक माउटेन बाइकिंग दा सरिस्ता कीता जा रदा ऐ। इस आयोजन च दुनिया भरै थमां पहाड़ी क्षेत्रें च मोटरबाईक चलाने दे शौकीन सैलानी ते खेड प्रेमी आवा करदे न, जेहदा सरिस्ता अज्ज कीता जा रदा ऐ। बाइकिंग समारोह दे बाद संजा 4 बजे गुलमर्ग च

इक बड्डे सांस्कृतिक कार्यक्रम दा बी सरिस्ता कीता जाहग जेहदे च मकामी कलाएं, सांस्कृतिक ते परम्पराएं दा अक्स दिक्खने गी लब्बोग। इस पैहल दा मकसद तंदरुस्त जीवन शैली दे कन्नो-कन्नी सैलसफा गी बढ़ावा देना बी ऐ। इस आयोजन गी लेइयै प्रतिभागियें च मता उत्साह दिखने गी लब्बै करदा ऐ.

<><><><><><>

### Police Diwali Mela

जम्मू-कश्मीर पुलिस 14 अक्टूबर गी जम्मू दे गुलशन ग्राउंड च बड्डलै 10 बजे थमां पुलिस देआली मेला 2025 दा आयोजन करोग। एह कार्यक्रम लोकें गी खुशी, एकता ते चेतें दी भावना कन्नै किट्ठे होने लेई प्रोत्साहत करदा ऐ इस मेले दा मुख मकसद उनें नायकें गी सम्मान देना ऐ जिनें अपने कर्तव्य गी अंजाम दिंदे होई अपनी जिंदु दा बलिदान करी दिता हा। सोशल मीडिया पर दिते गेदे इक स्नेह च जम्मू दे आई.जी.पी भीम सेन टूटी होरें नागरिकें गी अपील कीती जे ओह देआली दी हर रोशनी नां छड़ा उत्सव मनाने लेई ऐ, सगुआं उनें लोकें गी श्रद्धांजलि दे तौरा पर बी ऐ जिनें अपने सर्वोच्च बलिदान कन्नै स्हाढ़े जीवन गी रोशन कीता। इक संवाददाता सम्मेलन गी संबोधित करदे होई डी.आई.जी आर्म्ड समीर शर्मा होरें इस मेले दे बारे होर जानकारी दिंदे होई आखेआ.

<><><><><><>